

國家圖書館藏

中華歷史人物別傳集

綫裝書局

述聖圖自序

惟千聖之道大備於我

聖祖而我

三世述聖子繼而述以中庸

之書闡性教發誠明以至

述聖圖

序

匹夫匹婦無不可造端致

曲至誠至聖化極乎位育

參贊浩乎淵乎無聲無臭

蔑以加矣而究歸之仲尼

不惟使仲尼不盡之旨如

揭日月而垂中天且使仲

尼不能自言之道益昭千

古而信萬世豈非聖祖聖

孫相得益彰哉是以歷代

崇儒重道之君尊師尊聖

述聖圖

序

二

特設元公以主杏壇之鬯

復設翰博以主中庸書院

之祀至我

朝而優禮有加薪傳勿替是誠

不朽鉅典而子孫世世永

賴者也。埏以己未歲襲五經博士。自願幼冲學識未廣。夙夜兢兢。恐墜前人之業。以貽士林譏。每于披覽墳籍時。卽取述聖圖一冊。

述聖圖

序

三

薰置上座。亦謂對越祖先。則非聖之書。不敢讀。非聖之言。不敢言。庶幾乎吾晤吾祖而無忘吾述也。然此圖始于我。

王父對寮公。迄今五十餘年。

矣。榻板塵腐。筆畫漫漶。賢親之謂何其聽之也。用是重選妙手。照舊臨摹而授之梓人。雖不敢謂報祖功。而荅宗德者。卽在乎是。但我

述聖圖

序

四

三世祖善繼善述之蹟。燦若日星。卽予小子遠繼近述之志。或借此以告一端云。

爾

皆

康熙己未七月朔日至聖
六十七代孫中庸書院主
兗世襲翰林院五經博士

述聖圖

序

五

孔毓埏頓首謹序



述聖圖序

大端臺畢公既以風清東
省之間慨序述聖新圖語
及南羽名繪蓋指丁昔所
画養正圖之多古名物古

述聖圖

序

一

姚

衣纓也然顏曾二圖各有
舊式依倣比儉此圖多采
家語孔叢大小戴記諸書
每圖必着意想有如世業
克昌子上論學自當有祖

孫父子敬慈之異其若曾
思述亞傳前繼後更宜見
聖師高弟受授之奇至于
論立太子聞其無人談及
苟變兩班鵠立齊寇襲衛

述聖圖

序

二

姚

目無三軍宋君解圍但有
隻我各以境遇之不同曲
寫太虛之周應若乃忘其
貧于却裘羈邸忘其貴于
辭相去魯以不必鬚眉雄

其辯不忍爲舌傷其時致
吾養于雞鳴戒人貪于鰥
餌三分知友之不相一語
止士之去妻總之因境繪
情借今形昔或無愧于養

述聖圖

序

三

姚

正亦助見于聖孫知幸免
與湯画鬼神欺賊肉眼同
類之咲也歲在丙寅孟夏
之吉海鹽姚士彝記于見
只齋中



述聖圖序

天地至文自河出圖始然
拓衍圖之精蘊繇于孔氏
之有聖祖聖孫也是以先
代有聖蹟圖有孔門師弟

述聖圖

序

一

畢

圖而述聖新圖則始于衍
聖對宸公以述聖中庸垂
統實啟有宋理學之宗不
可無圖以鏡鑑當時孔曾
思孟血脉受授景象敬乞

呂藩叅季可及其嗣太學

聖符染毫拓簡摹擬其音

容省想其境界飛動其人

物點綴其窮通險嗇考見

其宮室衣冠曰此戰國風

述聖圖

序

二

畢

會而寓吾儒作用展圖前
後皆當年所必不能行爲
後來所共相跼仰者覺此
一晉接而若見其嚴畏一
話言而若聞其音響一居

處而若承其怡悅一雞牕
月夕而若證其心學之養
一兵禍人凶而若同其順
應之暇真從此筆繪使人
聽矚獲與述聖一門上下

述聖圖

序

三

畢

魯衛齊宋及諸豪彥快作
隔世周旋也者則圖之爲
後賢眼學地可時時親息
息晤而從眼得見從見念
古從古識人從人而辯聖

凡庸慙功能善敗以之了
然季可更與宗侄兗州司
理豫石圖各爲贊贊極高
古詞越漢唐若画則聖符
用吾鄉丁南羽意商定足

述聖圖

序

四

畢

稱繪贊雙美又藩叅兗理
皆余所薦士也故序併及
之

賜進士第文林郎巡按山
東監察御史新安畢懋康

撰



述聖圖

序

五

畢



述聖章服像



述聖圖

一

宋理宗紹定三年御製贊

閒居請膺 世業克昌 可離非道 孜孜立行

發揮中庸 體固有常 入德樞要 治道權衡

明山東布政司理問呂元善贊

聖持祖述 貽厥孫謀 中庸民鮮 獨開千秋

安非魯繆 尊豈文侯 書臺雲日 古到今留

述聖小像



述聖圖

二

明山東巡撫都御史陳鳳梧贊

精一之傳

誠明之學

聖門嫡派

斯道有托

發育洋洋

鳶飛魚躍

慎獨之訓

示我先覺

明山東兗州府推官呂維祺贊

欲人知性

貫一中字

上接帝堯

垂之萬世

梁講重雲

宋錫進士

大綱節目

學與庸弊

世業克昌圖



述聖圖

三

夫子閒居喟然而嘆子思再拜請曰意子孫不修將忝祖乎抑美堯舜之道恨不及乎夫子曰爾孺子安知吾志子思對曰彼聞夫子之教其父析薪其子弗克負荷是謂不肖彼每思之所以大恐而不懈也夫子忻然笑曰然乎吾無憂矣世不廢業其克昌乎

明山東布政司理問呂元善贊

固天縱之

必有其繼

道根宏深

孫枝蔽蒂

從六經文

拈一中字

千載已來

常聞此喟

明山東兗州府推官呂維祺贊

道原于天

人以道尊

家學授受

乃祖乃孫

以述紹至

萬世一門

喟然之答

到今常存

與聖祖論管仲圖



述聖圖

子思問於夫子曰假聞夫子之詔正俗化民之政莫善於禮樂也管子任法以治齊而天下稱仁焉是法與禮樂異用而同功也何但禮樂哉子曰堯舜之化百世不輟仁義之風遠也管仲任法身死則法息嚴而寡恩也若管仲之知足以定法材非管仲而專任法終必亂成矣

明山東巡撫都御史錢士完贊

夷吾相君 任法致霸 霸則安能 禮樂成化

祖孫問答 關係甚大 仲死法死 死此言下

明山東布政司理問呂元善贊

禮樂在魯 原不在齊 法在管子 成霸之基

無仲無桓 何霸何衰 如仁之與 難借于斯

與曾子論遊諸侯圖



述聖圖

曾子謂子思曰昔者吾從夫子巡守於諸侯夫子未嘗失人臣之禮而猶聖道不行今吾觀子有傲世主之心無乃不容乎子思曰時移世異人有宜也當吾先君周制雖毀君臣固位上下相持若一體然夫欲行其道不執禮以求之則不能入也今天下諸侯方欲力爭競招英雄以自輔翼此乃得上則昌失士則亡之秋也假於此時不自高人將下吾不自貴人將賤吾舜禹揖讓湯武用師非故相訥乃各時也

明山東提學道參政李喬贊

時急功利 失士者亡 彼雖下禮 士有剛腸

自重匪儼 見若矜莊 發而下節 君子之光

明山東布政司理問呂元善贊

不重不威 亦嚴亦恪 珍藏見榮 玉韞莫覺

入世出世 春溫秋霍 篤實光輝 魯思之學

曾思授受圖



述聖圖

六

明山東巡撫都御史陳鳳梧贊

守約而博 學恕以忠 聖門之傳 獨得其宗

一貫之旨 三省之功 格致誠正 萬世所宗

明山東布政司理問呂元善贊

得師之教 能令弟耐 步祖之武 能作孫謀

有曾之實 成思之快 匪悟庸深 何知學大

朱君解圍圖



述聖圖

七

子思年十六適宋大夫樂朔與之言學焉朔曰尚書虞夏數四篇善也下此以說於秦費効堯舜之言耳殊不如也子思答曰事變有極正自當耳假令周公堯舜更時異處其書同矣樂朔曰凡書之作欲以喻民也簡易為上而乃故作難知之辭不亦繁乎子思曰書之意兼復深奧訓詁成義古人所以為典雅也昔魯委巷亦有似君之言者僕答之曰道為知者傳苟非其人道不貴矣今君何似以宋為舊然世有讐焉請攻之遂圍子思宋君聞之駕而救子思子思既免曰文王困於羑里作周易祖君屈於陳蔡作春秋吾困於宋可無作乎於是撰中庸之書四十九篇

書垂以尚 明山東布政司理問呂元善贊
至人乘時 撰從時轉 言倘匪文 行胡克遠
弱冠之歲 明山東兗州府推官呂維祺贊 于聖何難
微子有胤 宋君怒訶 書先家壁 粹致干戈 有此凶魔

與子上論學圖



述聖圖

子思雜所習請於子思子思曰先人有訓焉學必由聖所以致其材也厲必由砥所以致其刃也故夫子之教必始於詩書而終於禮樂雜說不與焉又何請子思謂子上曰白乎吾嘗深有思而莫之得也於學則寤焉吾嘗企有望而莫之見也登高則覩焉是故雖有本性而加之以學則無惑矣

明山東布政司理問呂元善贊

門教宗傳 詩書禮樂 不式故藝 尤所當法

子上所著 亦必無作 第云雜習 箴以正學

明山東兗州府推官呂維祺贊

學軌于正 惟正乃弘 軌須日肄 胡維之攻

心雜則放 理雜則窮 登高而望 勉其所宗

厄衛圖



述聖圖

子思在衛緇袍無表三旬九食田子方遺以狐白裘恐其不受因謂曰吾假人遂忘之吾與人也如棄之子思辭焉曰彼聞之妄與不如遺於溝壑彼雖貧不忍以身為溝壑也已而復返於齊

明山東提學道叅議項夢原贊

衛風妻其 旅樹悲稿 不賦無衣 何嫌無表

若委若棄 辭太草草 子方云何 失于潤討

明山東布政司理問呂元善贊

龔舍德宏 衣被來學 自適緇袍 那見狐貉

惜不為王 貽更忙錯 嗟後之人 寧溝寧壑

禮敬子車圖



述聖圖

十

孟子車尚幼請見子思子思見之甚悅其志命子上侍坐焉禮敬子車甚崇子上不願也客退子上請曰白聞士無介不見女無媒不嫁孟孺子無介而見大人悅而敬之白也未喻敢問子思曰然吾昔從夫子於齊遇程子於塗傾蓋而語終日而別命子路將束帛贈焉以其道同於君子也今孟子車孺子也言稱堯舜性樂仁義世所希有也事之猶可況加敬乎非爾所及也

明山東提學道副使賀萬祚贊

鄒國英齡 植志雄正 唐虞慕時 仁義成性

無孺子態 受長者敬 子上于斯 便可猛省

明山東布政司理問呂元善贊

人挺三才 惟重一志 志無少老 稗年尤異

有介何如 片語投契 亞聖垂聲 源統始是

與孟子論牧民圖



述聖圖

十一

孟子問牧民何先子思曰先利之曰君子之所以教民亦仁義固所以利之乎子思曰上不仁則下不得其所上不義則樂為亂也此為不利大矣故易曰利者義之和也又曰利用安身以崇德也此皆利之大者也

明山東布政使司右布政陳道亨贊

意存用世 請問牧民 先利之教 合義與仁

匪云利吾 實以利人 兩伸易義 問答有神

明山東布政司理問呂元善贊

惟堯舜時 有仁義治 獨思之心 深識孟意

德崇義和 喚醒利字 不執不離 允師兄弟

與孟子論學道圖



述聖圖

十二

孟子問子思曰堯舜文武之道可力而致乎子思曰彼人也我人也稱其言履其行夜思之晝行之滋滋焉汲汲焉如農之赴時商之趨利惡有不至者乎

明山東布政司理問呂元善贊

子車弱齡 嚴慕隆古 遠宗唐虞 近契文武

稱言履行 夜思晝驚 帝際王期 反掌可溯

明兗州府鄒縣訓導段爲袞贊

祖述憲章 昔自夫子 子車請言 子思舊紀

祖傳子孫 師傳于弟 源源脉脉 道原滙此

思孟授受圖



述聖圖

十三

按孟子親受業於子思自班固漢書趙氏註應劭風俗通以及孔叢子史記索隱諸書皆然乃考關里世系云子思在衛道不能行復返於齊教授其徒數百人而道卒傳於孟軻年及百餘歲卒又據史子思言苟變於衛侯時在安王之一十五年安王在位二十六年子烈王嗣烈王之四年孟子生則孟子長而知學之時去子思十餘年耳其親受業於子思蓋確然無可疑矣

明山東布政司理問呂元善贊

惟堯舜禹 一中授受 尼承思闡 孟值此後

養浩有篇 仁義在口 我自闢門 于中得手

明山東兗州府推官呂維祺贊

嶧山一峰 鄒城百雉 講堂風清 春臺日麗

爲聖爲賢 此師此弟 別有心傳 想像此際

答魯穆公鷄鳴爲善圖



述聖圖

十四

魯穆公謂子思曰縣子言子之爲善不欲人譽已信乎子思對曰非臣之情也臣之修善欲人知之知者而譽臣是臣之爲善有勸也此所願而不可得者也若臣之修善而人莫知莫知則必毀臣是臣之爲善而受毀也此臣所不願而不可避者也若夫鷄鳴爲善滋滋以至夜半而曰不欲人之知人也者非虛則愚也

明山東巡撫都御史呂純如贊

我爲我善 豈求人知 穆公耳向 縣口得之

信必不問 問之若疑 無毀無譽 未鷄鳴時

明山東布政司理問呂元善贊

善固在我 不關毀譽 毀譽之來 翻爲心懼

有其言之 意亦足喻 總聞翰音 默識我處

與齊君論鬚眉圖



述聖圖

十五

子思適齊齊君之嬖臣美鬚眉立乎側齊君指之而笑且言曰假貌可相易寡人不惜此之鬚眉於先生也子思曰非所願也所願者惟君修禮義富百姓而後得寄帑於君之境內從微負之列其庸多矣若無此鬚眉非所病也昔堯身修十尺眉乃八彩實聖舜身修八尺有奇面頰無毛亦聖禹湯文武及周公勤思勞體或折臂望視或禿背僕亦聖不以鬚眉美鬚眉爲稱也人之賢聖在德豈在貌乎且吾祖無鬚眉而天下王侯不以此損其散由是言之彼徒患德之不能美也不病毛髮之不茂也

明山東布政司理問呂元善贊

堯非眉聖 靈匪鬚王 德王發越 別有輝光

何物賤髮 願額矜長 聖答雄正 千乘恐惶

祖珽表聖 明禮部祠祭司主事 呂一經贊 謝悲剪長

唐彩農髯 何必與方 登對神射 日煜天光

與衛人論釣圖



述聖圖

六

子思居衛衛人釣於河得鰈魚焉其大盈車子思問之曰鰈魚魚之難得者也子思果何得之對曰吾始下釣垂一魴之餌鰈過而弗視也更以豚之半體則吞之矣子思喟然曰鰈難得食以死餌士雖懷道食以死祿矣

明山東巡撫都御史李同芳贊

功利其時 饗祿其會 雖賢且才 高祿是嗜

半體萬鍾 受餌皆是 子思喟然 足昭行位

明山東布政司理問呂元善贊

人割釣鰈 大祿釣士 惟茲兩大 暴腮躓尾

車能載盈 車更生耳 釣亦有道 受祿視此

與魯穆公論立太子圖



述聖圖

七

魯穆公問于子思曰立太子有常乎答曰有之在周公之典公曰昔文王舍嫡而立其子微子舍孫而立其弟是謂何法也子思曰殷人質而尊其尊故不同其禮則異文王舍嫡立次權也公曰苟得行權豈惟聖人唯賢與愛立也子思曰聖人有以權教故立制垂法順之為貴若必欲犯何有於公曰舍賢立聖舍愚立賢何如子思曰唯聖立聖其文王乎不及文王者則各賢其所愛不殊於嫡何以限之必不能審賢愚之分請父兄羣臣卜於廟亦權之可也

明山東提學道叅議方應祥贊

魯穆在位 三十四年 有子幾人 誰嫡誰廢 共公得傳 人勝龜勝

季歷啟運 明山東布政司理問呂元善贊 此問此對 深為魯憂 無嫡立庶 後代何尤

史不具旆 祖廟之占 吾明聖謀

與縣子論子產圖



述聖圖

十八

縣子問子思曰吾聞同聲者相好子之先君見子產時則兄事之而世謂子產仁愛稱夫子聖人是謂聖道事仁愛乎吾未論其人之孰先後也故質於子子思曰然子之問也昔季孫問子游亦若子之言也子游答曰以子產之仁愛譬夫子其猶浸水之與膏雨乎康子曰子產死鄭人丈夫舍袂珮婦女含珠璣巷哭三月琴瑟不作夫子之死也吾未聞魯人之若是也奚故哉子游曰夫浸水之所及也則生其所不及也死故民皆知焉膏雨之所生也廣莫大焉民之受賜也普矣莫識其由來者上德不德是以無德季孫曰善縣子曰其然

明山東布政司左布政孫承榮贊
尼山崔嵬 漆洧小德 燭火雖傳 日元不沒
三月有終 千秋長憶 比類失倫 鄙人無識
玄黃不辨 縣子眼光 師以萬世 惠邀一邦
膏雨浸灌 久暫君方 一言立剖 門學靈長

與尹文子論生子圖



述聖圖

十九

子思在齊尹文子生子不類怒而杖之告子思曰此非吾子也吾妻殆不婦吾將黜之子思曰若子之言則堯舜之如復可疑也此二帝聖者之舉而丹朱商均不及匹夫以是推之豈可類乎然舉其多者有此父斯有此子道之常也若夫賢父之有愚子此由天道自然非子之妻之罪也尹文子曰先生止之願無言文留妻矣

明山東布政司理問呂元善贊

骨肉一氣 或異或爽 吳之曾玄 鄱陽比狀

却有癘人 惟恐已像 尹妻之幸 思論之暢

明山東魚臺縣知縣呂黃鍾贊

齊之名士 有尹文子 手能著書 怒子不似

須識唐虞 各罕聖嗣 天道則然 亦是常理